

Gēmtēnē

Dulkieto kelalio pareisio
Vosēlkas mielēnas skabīsio.
Anuom ēšpoušiu atmēnēma
Ē sava šērdi apraminsio.

Daržēlie krīžiou nusilēnksio
Ē sava paslaptis atskleisio.
Bus lēngva, gēra mon krūtīnie,
Ka galio būtē viel gimtinie.

Ēš šolēnē medēnē atsigersio
Vondens stiprībēs gaivē, šalta.
Pri longa ont soulālē atsisiesio
Ē vēskou truopne prisiminsio.

Ēš puomētēs atbiegs vaikīstē
Basuom kuojeliem nutēpens.
Par keima i dolkieta keli
Pasaulī plāti paveizietē.

Tarp baltū veišnio, vuobilielio
Lakstīs jaunīstē suodnē linksmā.
Nubērs če kartas anuos jouks,
Kap baltē –žeidlape ont tāka.

Gēmtēnē sarnie aplonkau,
Ēr pakēlie truobelē māža.
Če vēskas jau sene maīta
Tik artimūju nesutinko sava...